



ŠAMPIONI ZAŠTITE PRIRODE, BIH GREEN AWARDS 2025

Poziv za nominaciju kandidata za učešće u izboru šampiona zaštite prirode u BiH

Poštovane i poštovani,

Centar za razvoj i podršku iz Tuzle (CRP) i ove godine organizuje kampanju za izbor i dodjelu nagrade “ŠAMPIONI ZAŠTITE PRIRODE, BIH GREEN AWARDS“ u okviru projekta koji finansira Evropska unija. Ovom kampanjom promoviramo korisne, inovativne i kreativne pristupe očuvanju prirode i životne sredine u našoj zemlji. Želimo pronaći preduzeća, gradove/općine/opštine, NVO-e, fondacije, fakultete, škole, obdaništa, pojedince, grupe građana i neformalne građanske inicijative, koji uspješno promoviraju prave vrijednosti u oblasti zaštite prirode i životne sredine i koji kao takvi motivišu i druge.

Pozivamo vas da popunjavanjem *Prijavnog obrasca (google forms)* pošaljete svoje nominacije (prijedloge) za sljedeće kategorije:

KATEGORIJE I KRITERIJI

1. GRAD/OPĆINA/OPŠTINA

Kriteriji za ovu kategoriju su sljedeći:

- Grad/općina/opština koji među svojim građanima promoviraju zaštitu životne sredine;
- Grad/općina/opština koji na najbolji mogući način rješava svoje trenutne/tekuće okolišne probleme i tako stvara bolje životno okruženje u svojoj lokalnoj zajednici.
- Grad/općina/opština na čijem području u prethodnih 12 mjeseci nije prijavljen/zabilježen niti jedan ekološki incident (u skladu sa važećim zakonskim propisima).

2. POSLOVNI SUBJEKTI - PREDUZEĆA

Kriteriji za ovu kategoriju su sljedeći:

- Preduzeće zvanično registrovano u BiH;
- Preduzeće je održivo i posluje na ekološki prihvatljiv način, bez ugrožavanja životne sredine;



- Preduzeće aktivno i praktično doprinosi promociji zaštite okoliša i životne sredine;
- Nominacije preduzeća koja proizvode i distribuiraju fosilna goriva, duhanske proizvode i naoružanje neće biti razmatrane.

3. ORGANIZACIJE/NVO/FONDACIJE

Kriteriji za ovu kategoriju su sljedeći:

- Organizacije/NVO/Fondacije koje kroz svoje programe rade na podizanju svijesti građana o okolišnim problemima;
- Organizacije/NVO/Fondacije koje na najbolji način aktivno i praktično promovišu i rješavaju okolišne probleme.

4. NEFORMALNE GRUPE GRAĐANA (GRAĐANSKE INICIJATIVE)

Kriteriji za ovu kategoriju su sljedeći:

- Neformalna grupa, koja inicira i implementira konkretne legalne akcije u svojoj lokalnoj zajednici i na taj način doprinosi zaštiti životne sredine i okoliša;
- Sprovedene legalne akcije ili inicijative koje su doprinijele zaštiti životne sredine i okoliša.

5. OBRAZOVNE USTANOVE (FAKULTETI/ ŠKOLE)

Kriteriji za ovu kategoriju su sljedeći:

- Fakulteti ili škole koji na najbolji način aktivno i praktično doprinose promociji zaštite okoliša i životne sredine.
- Fakulteti ili škole koji implementiraju konkretne akcije u svojoj lokalnoj zajednici ili šire i na taj način doprinose zaštiti okoliša i životne sredine;
- Fakulteti, ili škole koji podstiču mlade inovatore u oblasti zaštite životne sredine i okoliša.

6. PREDŠKOLSKKE USTANOVE (OBDANIŠTA / VRTIĆI)

Kriteriji za ovu kategoriju su sljedeći:

- Obdaništa/vrtići koji na najbolji način aktivno i praktično doprinose promociji zaštite okoliša i životne sredine.
- Obdaništa/vrtići koji implementiraju konkretne akcije u svojoj lokalnoj zajednici ili šire i na taj način doprinose zaštiti okoliša i životne sredine;
- Obdaništa/vrtići koji podstiču mlade inovatore u oblasti zaštite životne sredine i okoliša.



7. MEDIJI (ELEKTRONSKI / ŠTAMPANI / OSTALO)

Kriteriji za ovu kategoriju su sljedeći:

- Mediji koji na najbolji način aktivno i praktično kroz svoje programe i medijske nastupe doprinose promociji zaštite okoliša i životne sredine;
- Sprovedene medijske aktivnosti ili inicijative koje su doprinijele zaštiti životne sredine i okoliša.

8. GRAĐANKA I GRAĐANIN - POJEDINCI

Kriteriji za ovu kategoriju su sljedeći:

- Osoba koja radi na promociji zaštite životne sredine i okoliša u svojoj lokalnoj zajednici;
- Inovator/ka u oblasti zaštite okoliša čija inovacija je imala najveći uticaj/najveći odjek u BiH i šire, u oblasti zaštite životne sredine i okoliša.

NOMINACIJE

Prijedloge mogu slati svi! Ovom prilikom vas pozivamo da i vi nominujete i date svoje prijedloge za "ŠAMPIONI ZAŠTITE PRIRODE, BIH GREEN AWARDS" 2025., u svim kategorijama ili samo u nekim, a nominovati možete jednog ili više kandidata za svaku od kategorija. Da biste dostavili svoj prijedlog, potrebno je da popunite **Prijavni obrazac (Google form)** koji možete pronaći na narednom linku:

<https://forms.office.com/r/wXhkh1qXFX>

Link prijavnog obrazca možete pronaći i na web stranicama GreenWorks (www.greenworks.ba); Centra za razvoj i podršku (www.crp.org.ba), Udruženja za poduzetništvo i posao LiNK iz Mostara (www.linkmostar.org) i udruženja LIR Evolucija iz Banja Luke (www.lir.ba) i na FB stranici Centra za razvoj i podršku – (www.facebook.com/crptuzla).

Ukoliko nemate pristup online formi za prijavu, obrazac za nominiranje kandidata i fotografije možete poslati na e-mail adresu: crp@crp.org.ba.

Popunjen prijavni obrazac sa fotografijama pošaljite NAJKASNIJE DO PONEĐELJKA 14.04.2025. godine do 24:00 sata.



PROCES GLASANJA I ODABIRA NAJBOLJIH

Nakon prikupljenih nominacija, po isteku navedenog roka, komisija će iz svake od kategorija predložiti ograničeni broj kandidata koji ispunjavaju navedene kriterije, nakon čega će biti otvoreno **javno glasanje**. Glasanje će se obavljati elektronski, putem glasačke forme koja će biti postavljena na **facebook stranici CRP-a (www.facebook.com/crptuzla)**, web stranicama GreenWorks mreže (www.greenworks.ba), Centra za razvoj i podršku (www.crp.org.ba), Udruženja za poduzetništvo i posao LiNK iz Mostara (www.linkmostar.org) i udruženja LIR Evolucija iz Banja Luke (www.lir.ba). Tokom procesa glasanja organizatori će periodično objavljivati privremeni izvještaj komisije za evaluaciju i bodovanje sa rang listom po kategorijama.

***Napomene:** Komisija za evaluaciju i bodovanje kandidata zadržava pravo da ne dodijeli ni jedno priznanje, ukoliko se dokaže da nije zadovoljen neki od navedenih kriterija sadržanih u Pravilniku za nominovanje, odabir, proglašenje pobjednika i dodjelu priznanja. Komisija će prije objave konačne liste, sve nominovane kontaktirati i obavijestiti ih da se nalaze na listi kandidata za priznanje ŠAMPIONI ZAŠTITE PRIRODE, BiH GREEN AWARDS 2025. Pobjednici u istoj kategoriji ne mogu biti kvalifikovani u periodu od 4 godine od datuma dodjele nagrade, osim u izuzetnim, argumentovanim slučajevima.*

DODJELA PRIZNANJA

Svečana ceremonija dodjele priznanja će se organizovati u povodu obilježavanja 5. juna, Svjetskog dana zaštite okoliša, a mjesto održavanja ceremonije će biti naknadno objavljeno. Pored dodjele plakete „**Zlatna Tisa**“¹, za pobjednike će biti obezbjeđeno druženje i koktel sa domaćim i stranim zvaničnicima uz značajnu medijsku promociju.

¹ Tisa, (lat. *Taxus baccata* L.) je malo četinarsko drvo ili žbun iz porodice *Taxus*. Raste relativno sporo i može doživjeti veliku starost. Naraste od 1 - 40 m u visinu, sa promjerom stabla do 4 m. Ima tamno zelene, plosnate igličaste listove duge od 1-4 cm, široke 2-3 mm. Pošto je drvo tise veoma elastično, nekad se koristilo za pravljenje lukova i strijela. U mnogim zemljama je veoma ugrožena te je stavljena pod zaštitu. U Bosni i Hercegovini, tisa je zakonom zaštićena vrsta. Prema dostupnim podacima najstarija tisa u BiH nalazi se na planini Prenj i ima između 1500 i 1700 godina starosti.



Kampanju "ŠAMPIONI ZAŠTITE PRIRODE, BIH GREEN AWARDS", realizujemo u okviru projekta BH Green Triangle / BH Zeleni trougao, koji finansira Evropska unija, a koji se sprovodi u partnerstvu sa Udruženjem za poduzetništvo i posao LiNK iz Mostara i udruženjem LIR Evolucija iz Banja Luke. Projekat je dio programa Podrške Evropske unije postojećim i novoosnovanim mrežama organizacija civilnog društva te podrške mrežama OCD i saradnji u oblasti životne sredine i klimatskih promjena.

Za dodatne informacije i pitanja vam stojimo na raspolaganju. Kontakt osoba je Alma Anić, projektni službenik, 035/248-340 ili 035/255-217.

Centar za razvoj i podršku,
Tuzla, 24. mart 2025. god.